

ԽՈՍՔԻՄԱՍԱՅԻՆ ՓՈԽԱՆՑՈՒՄՆԵՐԸ ԳՈՅԱԿԱՆԻՑ ԱՊԱՍԱՐԿՈՒ ԲԱՌԵՐԻ

Լեզուն բարդ համակարգ է: Դարերի ընթացքում լեզուն մշտապես զարգանում ու փոփոխվում է: Լեզվի պատմական զարգացման ընթացքում փոխվում են բառերի ձևերը, իմաստները, ինչպես նաև նրանց գործառնությունները:

Բառերի իմաստային փոփոխությունները հիմնականում տեղի են ունենում բառագործածության գործընթացում բառի փոխաբերական, փոխանվանական և համընթանական գործածության հետևանքով:

Երբ բառերի իմաստային փոփոխությունները կատարվում են խոսքիմասային մակարդակով, այդ դեպքում կատարվում է խոսքիմասային փոխանցում:

Բառերի խոսքիմասային անցումները տեղի են ունենում մեծ մասամբ նրանց շարահյուսական կիրառության հիման վրա: Բառը, գործածվելով մի այլ խոսքի մասի կիրառությամբ, աստիճանաբար ձեռք է բերում մի նոր ընդհանուր իմաստ, և բառի խոսքիմասային իմաստը երկփեղկվում է: Հետագա զարգացումը կարող է հանգեցնել նրան, որ բառն այլևս չգործածվի իր հին խոսքիմասային իմաստով:

Մի խոսքի մասից մյուսին անցնելով բառը ձեռք է բերում տվյալ խոսքի մասին հատուկ իմաստային, ձևաբանական ու շարահյուսական առանձնահատկությունները²:

Բառերի իմաստային փոփոխությունները ուղեկցում են լեզվին նրա զարգացման ողջ ընթացքում: Լեզվի նյութական իմաստ ունեցող որոշ բառեր նյութական իմաստի մթազնման և առարկայական նշանակության վերացարկման ճանապարհով աստիճանաբար զրկվում են իրենց հիմնական բառային ու քերականական իմաստներից և վերածվում են սպասարկու բառերի կապերի, շաղկապների, ծայնարկությունների և եղանակավորող բառերի:

Մեր խնդրո առարկան է, մի կողմ թողնելով լեզվի պատմական տվյալները, անդրադառնալ ժամանակակից հայերենի բառերի բառային իմաստների փոփոխություններին նյութական իմաստի վերացարկումով գոյականական սերիչ կաղապարներից:

Քանի որ խոսքիմասային փոխանցումները տեղի են ունենում մեծ մասամբ խոսքի մեջ բառերի տարբեր շարահյուսական կիրառությունների հիման վրա,

¹ Սղայան է. Բ., Ընդհանուր և հայկական բառագիտություն, Երևան 1984, էջ 73:

² Սաստրյան Մ. Ե., Ժամանակակից հայոց լեզվի ձևաբանության հարցեր, Ա, Երևան, 1970, էջ 92:

ուրեմն չկտրելով բառը իր իրական հոդից՝ բառիմաստային փոփոխությունները դիտարկենք կոնկրետ շարահյուսական կիրառության մեջ:

Ա. ԳՈՅԱԿԱՆՆԵՐԻՑ ՓՈԽԱՆՑՈՒՄ ԿԱՊԻ

Կապը քերականական իմաստ արտահայտող խոսքի մաս է, որը ցույց է տալիս, թե ինչ հարաբերության մեջ են գտնվում գոյականները, գոյականաբար գործածված բառերը, առարկայական նշանակություն ունեցող դերանունները գերադաս բառի նկատմամբ: Ժամանակակից հայերենի կապերի մի զգալի մասը առաջացել է գոյականներից:

Լեզվի պատմական զարգացման ընթացքում որոշ գոյականներ զրկվել են իրենց բուն խոսքիմասային իմաստից, վերացարկվել է սրանց առարկայական նշանակությունը, և այդ բառերը վերածվել են կապերի:

Գոյականներից կապերի են փոխանցվում այն բառերը, որոնց մեջ այս կամ այն չափով առկա է հարաբերության իմաստը, որի շնորհիվ նրանք կարող են նախադասության մեջ գործածվել որպես կապ:

Չափ գոյականից, որն ունի «չափման միավոր, առարկայի քանակը որոշելու միավոր» իմաստները, բառիմաստի ներգացման հետևանքով առաջացել է չափ կապը:

Բարկացավ Պավիթ, չափը շրպըրտեց: (ՀԹ, 2, 117), -գոյական:

Ղուրս եկան ասեղի ծերի չափ մանր սև գադեր: (ՀԹ, 3, 56), -կապ:

Ղեմ(ք) բառի արմատից նյութական իմաստի վերացարկումով առաջացել է ղեմ կապը: Լալով, ծածկած իր ղեմը,

Թողեց Մարոն հոր շեմքը: (ՀԹ, 2, 6), -գոյական

Թռնիմ խոր երկինք...եվ սիրտս բանամ անհունության ղեմ: (ԱԻ, 1, 181), -կապ:

Ղեմք գոյականի սեռական հոլովից է առաջացել ղիմազ կապը:

Ու նա կատաղած հանդուգըն անեծքով

Ծառս եղավ ղուշման երկընքի ղիմազ (ՀԹ, 2, 67), -կապ:

Ղեպ(ք) գոյականի արմատից նյութական իմաստի վերացարկման հետևանքով առաջացել է ղեպ(ի) կապը: Ահա պատմեն ձեզ մի ղեպը: (ՀԹ, 2, 3), -գոյական:

Ես պիտի թոնեն ղեպ սուրբ օրրանը

Իմ վեի խոհերի, վառ ձգտումների: (ԱԻ, 1, 29), -կապ:

Մրրիկի նման զարկեցեք շեփոր

Ղեպի ռազմի դաշտ, ղեպ հերոսացուն: (ԱԻ, 1, 306), -կապ:

Կողմ գոյականի բացառական հոլովածկից առաջացել է կողմից կապը:

Պսակ գնալիս մեծը Մոխրոտի աջ կողմն էր կանգնում, փոքրը ծախ կողմը: (ՀԹ, 3, 333), -գոյական:

Այդ մահն է իր նետերն ահեղ

Ամեն կոռմիզ արել վերաս: (ԱԻ, 1, 225),-գոյական:

Խոնարհիիր մինչև են գետինը ցած

Ու եսպես ասա նըրան մեր կոռմիզ: (ՀԹ, 2, 231),-կապ:

Հետ(ք) գոյականից առաջացել է հետ կապը:

Բյուր ուղիներով ես դիմեցի քեզ,

Քո հետքն ու շուքը նույնիսկ չըզըտա: (ԱԻ, 1, 102),-գոյական:

Ապրում էր իր թագավորության մեջ իր թագուհու հետ ուրախ ու բոխտավոր: (ՀԹ, 3, 356),-կապ:

Տեղ գոյականից նյութական իմաստի վերացարկումով առաջացել է տեղ կապը: Իր տեղը է հըսկան, չի շարժվում ասես: (ՀԹ, 2, 231),-գոյական:

Սիրած յարի համբուրի տեղ Սրոտին վարդեր են ծղել: (ԱԻ, 1,136),-կապ:

Տակ գոյականից առաջացել է տակ կապը:

Աչքի տակը հարվածից տաքացել էր: (ԱԲ),-գոյական:

Եսքան դարեր նա քարի տան Դեռ շընչում է կենդանի: (ՀԹ, 1, 176),-կապ:

Ժամանակ գոյականից է առաջացել ժամանակ կապը:

Ժամանակ անցավ, նրանք էլ անցան

Ջրվարթ երգերըս վըշտալի դարձան: (ՀԹ, 1, 15),-գոյական:

Հենց էդ խոսակցության ժամանակ ներս մտավ Գիքորը: (ՀԹ, 3, 44),-կապ:

Մեք(ք) գոյականի արմատից առաջացել է մեք կապը նյութական իմաստի վերացարկման հետևանքով:

Գալարում է մեքքը թեթև ծաղկանկար շալի մեջ: (ԱԻ, 1, 271),-գոյական:

Երագիս մեք ծովը տեսա, ծովը լազուր ու անդոր: (ԱԻ, 1, 74),-կապը:

Միջոց գոյականից առաջացել է միջոցով կապ:

Գնալ-գալու համար նա երկու օր միջոց տվավ Ղազարին: (ԱԻ),-գոյական: Ջորքի միջոցով պարսիկները փորձում էին ճնշել ապստամբության փորձերը: (Դ.Դ.),-կապ:

Պատճառ գոյականի գործիական հոլովածից է առաջացել պատճառով կապը: Ծանրացավ աշխարհն ուսերիս վրա

Ձուր ես հարցնում պատճառը վշտիս: (ԱԻ,1,207),-գոյական:

Երևի էդ շնորհքի ու էդ գլխի պատճառով ես տեսակ մի ավանդություն էլ կա: (ՀԹ,3,94),-կապ:

Անուն գոյականի գրաբարյան ի անուն>յանուն ձևից առաջացել է հանուն կապը: Պատվեր տվինք մեր բանակին, Հանուն արդար ու սուրբ իսի Մտնի հողը մեր ոսոխի: (ՀԹ,1,332),-կապ:

Առիթ գոյականի գրաբարյան գործիական հոլովածից է առաջացել առիթով կապը:

Այդ առօթի դառնաճաճան Վիճակն էլ կա անփոփոխ: (ՀԹ,1,428),-կապ:

Հուրօ բառի «շուրջը, բոլորքը» գոյականական իմաստի նեղացման հետևանքով առաջացել է շուրօ մակբայը ժամանակակից հայերենում, հետագայում շուրօ կապը: Հոդն ու փոթորիկ շուրջօրս են հաճում

Ես ժայռի նման կանգնած եմ ամուր: (ԱԻ,1,37),-գոյական-մակբայ:

Խարույկի շուրօ, հովիվների, հոտի բով Սերս երգեմ՝ քաղցր շվին ծոր տալով: (ԱԻ,1,37),-կապ:

Վեր գոյականից առաջացել է վեր մակբայը, սրանից էլ վեր կապը:

Զուրը վերից գալիս է ջինջ: (ՀԹ,2,222),-գոյական-մակբայ:

Շատ եմ փոխվել այն օրից վեր:

Այնպես մի ցավ ունեմ ես: (ՀԹ,1,134),-կապ:

Վերև գոյականից առաջացել է վերև մակբայը, որից էլ վերև կապը:

Նայեց աշխարհքին, նայեց վերև

Եվ ուզեց իսկույն բոլորը գրկել: (ՀԹ,2,23)-գոյական-մակբայ:

Ժողովուրդն անհամբեր սպասում էր գյուղից վերև: (ՀԹ,3,30),-կապ:

Օգուտ գոյականի ի օգուտ>հօգուտ ձևից առաջացել է հօգուտ կապը:

Ահագին ծախք կլինի, բայց նա բոլորը նվիրում է հօգուտ հեղինակի: (Բ.),-կապ:

Համար գոյականից առաջացել է համար կապը:

Այն սրտատանջ ու մորմոքիչ երգը երգիր ինձ համար: (ՀԹ,1,52),-կապ:

Հակառակ գոյականից առաջացել է հակառակ ածականը, որից էլ հակառակ կապը: Շրջվել է հիմի դարը հակառակ: (ՀԹ),-գոյական-ածական:

Չգիտեմ ինչու, կամքիս հակառակ, Նայեցի ահով նրա երեսին: (ԵԶ),-կապ: Հանդերձ գոյականի «զգեստ, հագուստ» նյութական իմաստի վերացարկունով առաջացել է հանդերձ կապը «հետ, միասին, հանդերձ» իմաստներով: Կամ թե նրա հանդերձին են անհոգի չար ջաղուն

Քրտեց գիլի ճրագուն: (ՀԹ,3,5),-գոյական:

Քո ժողովրդով հանդերձ կներժեք և կվանեք չարանենձ հրամանը: (Դ.Դ.),-կապ: Զեռք գոյականի բացառական հոլովածևից առաջացել է ծեռքից կապը: Քանի՜ ծեռքից եմ վառվել Վառվել ու հուր եմ դառել: (ՀԹ,1,206),-գոյական: Մի անգամ էլ մարդ սպանեցի և փախա արդարադատության ծեռքից: (ՆԴ,361),-կապ:

Բ. ԳՈՅԱԿԱՆՆԵՐԻՑ ՓՈԽԱՆՑՈՒՄ ՀԱՂԱԿՆԵՐԻ

Շաղկապ խոսքի մասը կյանքի է կոչվել լեզվի զարգացման պահանջներից դրդված: Նյութական իմաստ ունեցող խոսքի մասերը լեզվի նախնական զարգացման շրջանում հանդես են եկել որպես նախադասության ինքնուրույն անդամներ: Հետագայում նյութական իմաստի սթագմման և հարաբե-

րության իմաստի զարգացման հետևանքով այդ բառերը դադարել են նախադասության անդամ լինելուց և ծառայել են որպես կապակցության միջոց շաղկապ: Շաղկապները մեծ մասամբ առաջացել են դերանուններից, առանձին դեպքերում գոյականներից, բայական ձևերից, կապերից, մակբայներից և եղանակավորող բառերից: Կամ(ք) գոյականից իմաստի վերացարկունով առաջացել է կամ շաղկապը: Բախտի կռանը կամքն է թեև, բայց դիպվածն է տիրական: (Մհ, 1, 254), -գոյական:

Ինչիս են պետք ոսկին, արծաթ եվ կամ աստղը երկընքի: (ՅԹ, 1, 294), -շաղկապ: Իսկ գոյականից նյութական իմաստի վերացարկման հետևանքով առաջացել է իսկ շաղկապը: Իսկն ու երազը ծուլվել են իսպառ, Ոչինչ չի տեղնում իմ հոգին տխուր: (Մհ, 1, 230), -գոյական:

Բաներ, որ իսկի հարկավոր չեն քեզ,

իսկ նրան անչափ շատ են ցանկալի: (ՅԹ, 2, 244), -շաղկապ:

9. ԳՈՅԱԿԱՆՆԵՐԻՑ ՓՈԽԱՆՑՈՒՄ ԵՂԱՆԱԿԱՎՈՐՈՂ ԲԱՆԵՐԻ

Եղանակավորող բառերը պատմականորեն առաջացել են զանազան խոսքի մասերի պատկանող բառերից՝ վերջիններիս մեջ նախապես առկա եղանակավորության, երանգի իմաստի զարգացման ու ծավալման հետևանքով: Նյութական իմաստ ունեցող մի շարք բառեր, անջատվելով նախադասության կառուցվածքից, որպես խոսողի վերաբերմունքի արտահայտման շարահյուսական միջոց, աստիճանաբար զրկվում են իրենց նյութական բովանդակությունից և քերականական հատկանիշներից ու վեր են ածվում եղանակավորող բառերի:

Իսկ գոյականից առաջացել է իսկ եղանակավորող բառը:

Եվ մենք, ընդդեմ մեր իսկ կամքին Պատվեր տրվինք մեր բանակին: (ՅԹ, 1, 332), -եղանակավորող բառ: Ափսոս գոյականի նյութական իմաստի վերացարկունով առաջացել է ափսոս եղանակավորող բառը: Ո՞վ է նա, որ չի վախենա մեն-մենակ գնալու հազարների դեմ, առանց ափսոսի իր կյանքը զոհելու: (Մհ, 1, 183), -գոյական: Ա՛խ, ափսոս, իմ գարուն կյանքիս Սուր փշերը մընացին: (Մհ, 1, 55), -եղանակավորող բառ:

10. ԳՈՅԱԿԱՆՆԵՐԻՑ ՓՈԽԱՆՑՈՒՄ ԶԱՅՆԱՐԿՈՒԹՅՈՒՆՆԵՐԻ

Զայնարկությունները նյութական իմաստից զուրկ խոսքի մաս են, արտահայտում են խոսողի զգացական վերաբերմունքը: Սրանք ևս առաջացել են նյութական խոսքի մասերից՝ վերջիններիս նյութական իմաստի մթագնման և առարկայական նշանակության վերացարկման ճանապարհով:

Ահ գոյականից նյութական իմաստի վերացարկման հետևանքով առաջացել է աի ծայնարկությունը: Մահի աի կա իմ սրտում: (ՅԹ, 1, 205), -գոյական:

Ա՛հ, խեղճ կանայք, էլ ու՛ր վագեն: (ԴԹ,1,58),-ծայնարկություն:

Աման գոյականից առաջացել է աման ծայնարկությունը:

Ամանող ու՛ր է, ամանող բեր: (ԴԹ,1,329),-գոյական: Ամա՛ն, հողեմ գլուխը Շահի, Աստված Շահից հեռու պահի: (ԴԹ,1,344),-ծայնարկություն:

Պահ գոյականից առաջացել է աաաի ծայնարկությունը՝ նյութական իմաստի վերացարկման հետևանքով:

Երկու հոգի այս աաաիուն ծառերի տակովն անցան: (ԴԹ,3,19),-գոյական

Պահ, քու տունը չըքանդվի...-

Ծափ տըվին ու ծիծաղեցին մի քանի գյուղացի: (ԴԹ,3,63),-ծայնարկություն:

Ջան գոյականի նյութական իմաստի վերացարկումով առաջացել է ջան ծայնարկությունը: Բեգարած ջանի ղուրբան, Ծղտից թև առ, թեզ արի: (ԱԻ,1,36),-գոյական: Գառների հետ լուսաբացին Եկար սարը, ջան աղջիկ: (ԱԻ,1,12),-ծայնարկություն:

Վախ գոյականից նյութական իմաստի վերացարկումով առաջացել է վախ ծայնարկությունը: Եվ բեռնավորված հույսով ու վախով Մեռավ հին տարին: (ԱԻ,1,260),-գոյական: Վա՛խ, մեր կյանքը սևով անցավ,

Աշխարհից բան չիմացանք: (ԱԻ,1,72),-ծայնարկություն:

Վուշ գոյականի նյութական իմաստի վերացարկման հետևանքով առաջացել է վուշ ծայնարկությունը: Ինչ կըլինի գնաս վուշ առնես բերես, մանած անեմ: (ԴԹ,3,265),-գոյական: Վուշ-վուշ, Ա՛նուշ, վուշ-վուշ, քուրիկ, Վուշ քու սերին, քու յարին: (ԴԹ,2,71),-ծայնարկություն:

Այսպիսով, լեզվի զարգացման հետևանքով բառերի բառային իմաստները ենթարկվում են փոփոխությունների, որոնք կատարվում են բառի արմատի նյութական իմաստի վերացարկման և խոսքիմասային հարացույցի թեք ձևերում բառածևի քերականական իմաստի մթագմման հետևանքով: Շարահյուսական տարբեր կիրառություններում նյութական իմաստ ունեցող բառերը, զրկվելով նյութական իմաստից, վերածվում են սպասարկու բառերի:

ԳՐԱԿԱՆՈՒԹՅՈՒՆ

- 1.Աբրահամյան Ա.Գ., Չթեքվող խոսքի մասերը և նրանց բառական ու քերականական հատկանիշների փոխհարաբերությունը ժամանակակից հայերենում, Ե., 1965
- 2.Աղայան Է.Բ., Ընդհանուր և հայկական բառագիտություն, Երևան, 1984
- 3.Աղայան Է.Բ., Լեզվաբանության հիմունքներ, Երևան, 1984
- 4.Ասատրյան Ա.Ե., ժամանակակից հայոց լեզվի ձևաբանության հարցեր, Ա.Ե., 1970
- 5.Թումանյան Դովհ., Երկերի ժողովածու, I, II, III (1940-51), VI (1959)
- 6.Իսահակյան Ավ., Բանաստեղծություններ, 1, Երևան 1950
- 7.Խաչատրյան Լ.Ս., Տեղաշարժեր բառերի ձևաբանական իմաստի մեջ, Երևան, 1985
- 8.Ջահուկյան Գ.Բ., ժամանակակից հայերենի տեսության հիմունքները, Երևան, 1974
- 9.Սևակ Գ.Գ., ժամանակակից հայոց լեզվի դասընթաց, Երևան, 1955